

PLOANIES DA SAN MARTIN Y LUNGIARÜ

Mëssa en recort dl 26° aniversar dla mort de siur Heinrich Videsott en dedolönesc, ai 9/12, dales 16.00 tla dljia da La Val. Da odëi ince sön Youtube y Facebook.

SAN MARTIN

La Uniun dles Ères inviëia dotes les ères en Santa Maria, ai 8 de dezèmber, a so Rorate y dedò a gosté ia tl salf di stödafüch por sté adöm y s'la cunté.

Prëibel recordésse da dé jö la zetola dla lîta dles surastantes dla Uniun dles Ères, tla lada apé de dljia cina insnöt, domënia, o indoman por le gosté dles ères.

Al vëgn ciamó chirí mitans y mituns dala cuinta elementara insö che dëida pro la aziun di Trëi Resc. Chi che á interes dess ti telefoné ala maestra Teresa Piazza (348 93 77 694). Chi che s'á bele anunzié n'á nia plü bria da le fá. Damperfora dër bel dilan a duc y dotes che fej impara.

Düc/Dotes i/les Seniors/es da San Martin y d'Antermëia é dër bel inviá al Rorate tla dljia da San Martin en domënia, ai 14 de dezèmber, dales 10.00 y dedò a marëna tla ostarìa Al Bagn Valdander. I piun ia dal zenter da San Martin dales 11.45 - Le cost é de 25 euro porom. Prëibel prenotésse pro Leo Crepaz cell. 348 40 96 351 cina en dedemesaledema, ai 10 de dezèmber.

LUNGIARÜ

Incö, 7 de dezèmber, inviëia la Uniun di Èi duc i èi a so Rorate y dedò ala mostra y benedisciun dles cripeles tl salf dl paisc por sté n pü' adöm y fá cumunità.

I seniors y les seniores é incö, 7 de dezèmber, dër bel inviá/inviades da gní al Rorate dla Uniun y dedò a gosté tl Hotel Sanví cun la sentada generala dla Uniun.

En lönesc, 8 de dezèmber, festa de Santa Maria, festejunse le Rorate por la Uniun dles Ères. Dedò é dotes les ères bel inviades ia tl salf dl paisc a gosté.



I recordun la festa de Santa Lizia en sabeda, ai 13 de dezèmber, cun la mëssa solëna dales 9.00, zelebada adöm cun nosc vësc Ivo Muser, a chëra ch'i inviun DÜC da tó pert; dedò é duc bel inviá da gní a fá conferta tl salf dl paisc pro val' da bëre y da sgolesé. Al vëgn ince indô tigní le marcé de Santa Lizia a bëgn dl Cor de dljia. Le Cor präia dër bel ciamó do patüc che pó gní dé jö en vëndres dales 14.00 ales 16.30 tl salf dla scora o a Hubert Pezzeri o a un di ciantadus. Prëibel y dilan!

Le marcé é davert en S. Lizia danmisdé y la domënia (14/12) cina les 11.00.

Por le buffet tl salf dl paisc en Santa Lizia do mëssa präia la Uniun dles Ères dër bel les ères y la comunité da Lungiarü da arjigné y porté val' da mangé y da bëre.

Le grup dles families inviëia dër bel i scolars y les scolares dla mesana che toless pert y jiss ion a fá i „Trëi Resc“ a na incuntada en sabeda, ai 13 de dezèmber, dales 18.00 te calonia.

Sce valgügn ess ciamó val' informaziun o curiosité ch'ai metess ion tla cronica dl paisc (Sas dla Crusc) präi da les mené por e-mail a miriam_clara@hotmail.it



Plata dles Ploanies San Martin y Lungiarü

ploan siur Klaus Sottsas 344 15 54 055 - klcottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

07.12. - 14.12.25 n. 2

termo por comunicaziuns: jöbia, dales 20.00

2ª DOMËNIA D'ADVËNT - ANNA

Vangele do san Matí 3, 1-12

..... La jënt de Ierusalem, de döta la Iudea y de döt le raiun dl Iórdann jö fora da Jan Batista; ai confessâ sü picíà y se lasciâ batié da d'ël tl Iórdann. Canche Jan odò che tröc farisês y saduzês gnò al bato, ti àl dit: Os cuada de bisches, chë ves à pa insigné, ch'i podëis ti sciampè al iudize che vëgn? Portede früc che demostra osta converjiun y no minede de podëi dî: I ùn pö Àbraham por pere. I ves diji: Dî po fá fora de chëstes peres mituns de Àbraham. La manara é bele metüda pormez ala raîsc di lëgn. Vigni lëgn che ne porta nia de bugn früc vëgn taié jö y sciuré te füch. Iö ves batiëi mà cun ega sciöche sëgn de converjiun, mo chël, che gnarà do mè, é plü gaiert co iö, y iö ne sun nia dëgn de ti despié i cialzà. Èl ves batiarà cun le Spirit Sant y cun füch. Al tëgn bele la vëntora tla man y al cernarà les zëmes dal formënt y abinarà ite le formënt te süa majun, les zëmes indere burjaral te n füch che ne se destöda mai.



Oh Dî misericordius, tö nes chërdes ala converjiun.

Nos sun liá ite te nusc planns, te nostes oblianzas y te nusc fistidi.

Nusc crüzí y nostes têmes pësa sön nos.

Nostes orëdles y nusc cörs stënta da s'arjigné ca a to avënt.


Dëidesse da ciagé momënc de desert y de chît

olache le ciorvel pois se daurí y le cör ciagé n pü' de pesc.

Tólesse por la man, móstresse le tru y sálvesse,

por ch'i modunse vita y piunse ia danü te to amur,

tres Gejú, nosc fre y Signur. Amen.

EDEMA - C	SAN MARTIN	LUNGIARÜ	
07.12.25 2ª DOMÈNIA D'ADVÈNT - A <i>Ambroje</i>	9.30 Corona (<i>don Marco</i>) 10.00 Gran Mëssa por la comunité Rorate por i Sorvidus +++ Giovanni, Maria y Pia Trebo + Maria Trebo Dapunt	7.50 Corona (<i>don Marco</i>) 8.15 Gran Mëssa por la comunité Rorate por la Uniun di Omi, por le KVV y por la Uniun di Seniors de rengr. fam. Egedio Schanung dl ann + Sisto Clara dl ann + Vito Clara (<i>cianté da n Cor de èi dl Comun da S. Martin</i>) 11.40 Bato de Sofia Rinaldi de Giovanni y Daniela Verginer	D'ATRES INFORMAZIUNS POR LES PLOANIES DA S. MARTIN Y LUNGIARÜ En Santa Maria, ai 8 de dezèmber , gnarál te trames les ploanies a Lungiarü y a San Martin i seminarisc dl Seminar di proi da Porsenú cun le Regens, siur Markus Moling, a tó pert cun siur Klaus ala Gran Mëssa. ----- Sëgn che l'Ann Sant vá bel plan a fin nes inviëia le Vësko dër de cör da s'architè y da jí ite te nos, personalmënter y deboriada, en la festa de Santa Maria ai 8 de dezèmber. En chësta festa s'a dan 60 agn stlüt jö le 2° Conzil Vatican y dan da 15 agn la Sinoda Diozejana. "Mit Maria innehalten vor dem Herrn." Dales 15.00 ales 18.00 inviëia le Vësko da mëte fora tles dljies le Santiscim por l'adoraziun y l'oraziun: S'architè, ascuté, jí ite te nos, respogne, confidè y azeté nosta vocaziun - sciöche Maria, la Uma de Dì. Le Vësko præia duc da se lié ite te na gran rëi diozejana de oraziun, sciöche vignun á la poscibilitè. Porsones che præia é n sëgn de speranza. Tles dljies da San Martin y Lungiarü sona dales 15.00 les ciampenes y al vëgn metü fora le Santiscim. Tles prömes döes ores sunse invia al'adoraziun chïta y dales 17.00 ales 18.00 ala adoraziun y oraziun deboriada. Düc é dër bel invia da gní. -----  I periun do l'intenziun dl Papa tl mëis de dezèmber I periun che i cristians ti raiuns de vera y de conflic, dantadöt tl Oriënt Mesan, sides somënza de pesc, de reconziliaziun y de speranza.
08.12.25 SANTA MARIA IMACOLADA <i>Edith y Elfriede, Sabina</i>	9.30 Funziun a Santa Maria 10.00 Mëssa solèna por la comunité Rorate por la Uniun dles Ères Rorate por la Uniun dles Patrones + Paula Ploner Trebo, dl ann +++ Giovanni, Perpetua y Virginia Rubatscher 15.00-18.00 Esposiziun dl Santiscim <i>Ciarede plü avisa tla lerch dlungia jö</i>	7.50 Corona 8.15 Mëssa solèna por la comunité Rorate por la Uniun dles Ères dl ann + siur Heinrich Videsott ++ Giovanni y Agata Campeï dl ann + Franz Frenademez + Frida Huber Clara 15.00-18.00 Esposiziun dl Santiscim <i>Ciarede plü avisa tla lerch dlungia jö</i>	
09.12.25 Dedolönesc <i>Juan Diego, Valeria, Hanna</i>	19.00 Mëssa/Rorate por i benefaturs dla dljiiia da Picolin + Pepi Deiacò, Larjëi, dl ann ++ Zingerle Ghejenara + Ida Deiacò, dl ann (<i>al cianta le cor dla Scora de Musiga</i>)		
10.12.25 S.Maria da Loreto, Angelina Dedemesaledema		19.30 Mëssa/Rorate por fam. Pio y Emma Clara - de rengr. Martin Clara ++ dla fam. Carlo Castlunger	
11.12.25 Damase, Davide, Artur Jöbia	19.00 Mëssa/Rorate + Hermann Burkia, dl ann +++ siur Bertrand, Paula y Maria Vollmann		
12.12.25 Hartmann da Porsenú Vëndres <i>Santa Maria da Guadalupe</i>	18.30 Adoraziun chïta 19.00 Adoraziun deboriada		
13.12.25 Sabeda <i>Santa Lizia, Ottilia</i>	18.30 Mëssa prefestia (<i>don Marco</i>) Rorate dla Uniun dl Sport Rorate dla Uniun di Jogn + Sepl Flöss, dl ann ++ Sciandro y Loise Dasser, dl ann <i>al sona n grup de clarinec y saxofons dla musiga</i>	SANTA LIZIA, PATRONA DA LUNGIARÜ 8.30 Corona 9.00 Mëssa solèna en onú de nosta patrona Santa Lizia <i>zelebrada cun nosc Vësko Ivo Muser</i>	
14.12.25 3ª DOMÈNIA D'ADVÈNT - A "Gaudete!"	9.30 Corona (<i>prou da Oies</i>) 10.00 Gran Mëssa por la comunité Rorate por i Seniors S. Martin y Antermëia Rorate por la Uniun dl KVV ++ familiars de Margareth Conrater	7.50 Corona 8.15 Gran Mëssa / Rorate por le Cor de Dlijia por les families de Camura de rengr. por families de Monica y Egidio Schanung vis y def. de Paola Clara - vis y def. de Fornata	